



Wa mek Ipo no av no ier



- ✍ Basilio Gimo, David Ker
- ✉ Carol Liddiment
- 📠 Georgette McGlashen
- 🔊 2
- 💬 Patwa jam



Wan die, Rabit did a waak nier di riva.



Ipo did de-de tu, a tek taim waak an a nyam
som griin graas.



Ipo neva si se Rabit di de-de an step pan Rabbit
fut bai aksident. Rabbit staat baal aaf Ipo an se,
"Yu Ipo! Yu no si se yu a step pan mi fut?"



Ipo se sari tu Rabbit, "Mi riili sari. Mi neva si yu. Du beg yu paadn!" Bot Rabbit udn lisn an im baal aafa Ipo, "Yu dwiit fi spait! Wan die, yu wi si! Yu gwain pie!"

Rabit go luk fi Faiya an tel im se, "Gwaan, bon op Ipo wen shi kom outa di waata fi nyam graas. Shi did step pan mi! Faiya ansa se, "No prablem, Rabit, mi fren. Mi wi du we yu aks."





Lieta, Ipo did a nyam graas faar fram di riva
wen, "Wush!" Faiya ton inna wahn big
faiyabaal. Di faiya staat bon aaf Ipo ier.



Ipo staat fi baal an ron go inna di waata. Di faiya bon aaf aal a ar ier dem. Ipo no stap baal, "Mi ier get bon aaf inna di faiya! Aal a mi ier gaan! Mi priti ier!"

Rabit did glad se Ipo ier get bon aaf. An tu dis die, chuu fried fi faiya, Ipo neva stie faar fram waata.





Global Storybooks

globalstorybooks.net

Wa mek Ipo no av no ier

- ✎ Basilio Gimo, David Ker
- ✑ Carol Liddiment
- ♫ Georgette McGlashen

